

富順縣志

二十年十月

李永成題

富順縣志卷之十一

人物上

列傳

舊志序列頗嫌攙越李英恪等在眞宗時反次英宗治平進士李文淵後明代似此尤多今先依各志爲次就中一以時代科分先後序列無考者仍之附傳不在此例

晉

侯馥

字世明察孝廉巴郡亂避地入牂柯甯州刺史

王遜表爲江陽太守時李雄將李恭已據江陽馥招降夷獠修繕舟艦爲進取計恭舉眾攻馥眾寡不敵爲恭所破獲生虜馥送雄雄欲屈之使同郡人張迎曉諭之馥怒罵

迎曰吾等國亡不能存大難不能死低眉海內何面目相見也且王甯州治亂才也以吾有桑梓之恥故遠上尙書遣吾討賊受命之日實忘寢食但裁船未辦請軍未至牽揣不及爲他所先當滅身殞碎以謝不及冀上不負日月下不愧王侯吾豈苟生如卿兒女之人乎迎還白雄雄義而赦之時眾寇所獲諸太守無如馥者詳見華陽國志

孫辨 泰安元年行部永昌從事江陽孫辨上南中形

勢七郡斗絕晉弱夷彊加其土人屈塞應復寧州以相鎮

慰冬十一月詔復置寧州

据華陽國志南中志補

程融

建興元年行西夷校尉向沈卒蜀郡太守江陽

程融與楊芬常歆等共推汶山太守涪陵蘭維爲西夷校

尉時中原旣亂江東有事救援無所望融等率吏民北出

枳欲下巴東爲李雄將李恭費黑所破獲

據華陽國志大同志補

宋

李見

英恪子讀易於神龜山洞中著易樞天禧中令

附驛以聞州郡遣見抱書偕行見不願仕監司不能屈賦

詩有一片青衫消不得滿朝朱紫是何人之句

薛翁

宋史伊川程子與袁滋曰易學在蜀盍往求之

滋游蜀無所遇久之於眉邛間見賣醬薛翁與之語大有
所得又呂東萊撰薛常州誌云袁道潔聞蜀隱者薛叟名
晚游蜀物色求之至一郡有叟旦荷笈之市午輒扃扉戶
問諸鄰則曰賣香薛翁道潔以弟子禮見且陳所學叟曰
經以載道聖人作經以明道子何博而寡要也與語未幾
復去乾隆丙申署知縣段玉裁據王伯厚困學紀聞云袁
道潔之易得於富順監賣香薛翁知爲富順人立祠城西
門外有記

袁滋薛士龍浪語作袁灝

李文淵

英宗治平乙巳進士授宣德郎至朝議大夫蔡

京奇其才欲用謝病歸

明

郭廉字永明永樂己丑進士初授監察御史正色立

朝風采凜凜督雲南銀廠廉明有聲人不敢干以私中官

有謀害廉者事覺遂自裁廉上章疏同謀者厯上書

舊作尙書

誤疏諫北征詞甚剴切聲聞中外文祖面加慰獎上崩中

官謀傷之卽三上章乞休及歸杜門不至城郭有中貴至

邑誅求太甚廉束帶見之旣退中貴曰郭公在此遂斂迹

去近居有僧眾以奸汙聞廉火其居眾皆稱快平生剛介

以勤儉勵子孫家法嚴肅卒年九十七

鄉賢祠

維新 廉次子字宗之正統辛酉舉

任湖廣應城縣教

諭事親訓士咸有父風祀鄉賢祠

元柱 廉裔孫字直甫號朝石隆慶庚午經魁萬曆丁丑

進士歷任南禮部員外郎轉兵部郎中授陝西關南道雲南洱海道布政使參議居家孝友立朝清直一以其祖巡

按廉爲法初爲南祠部釐定藏經上中下制轉武庫郎革除收放舊弊分巡關南捐俸各屬置社倉穀復修鐵椿堰
概田數萬畝

甘敬修 字士勉正統己未進士官刑部員外郎時有執政干法敬修厲色諍之擢雲南參議策擒叛賊時重其名官至福建左參政所至門無私謁祀鄉賢祠

黃仕儁

字廷臣正統戊午解元壬戌進士少孤貧牧牛

鄰家叔父鏞收之遂勤於學登第授兵科給事以才名見重於時常陳備邊方畧及劾都督武毅貪恡等事擢太僕卿巡視所屬見軍民車載子女鬻供馬賦者先免之乃奏聞英宗赦其專擅之罪陞刑部侍郎尋以石亨累謫參政乞歸養母朝夕奉几杖不離僑寓成都置田數畝供時祀

給子孫讀書者

胡深 字本原景泰辛未進士任戶部主事抗直不阿以忤權貴議戍塞外後事白復其官年未四十致仕歸時論以節高之

劉本 字原之天順丁丑進士歷刑部主事郎中至貴州按察司副使進階都察院右僉都御史性謹厚正大里居時敘守陸淵之

淵之二
字名

文章政事有盛名每鄉飲正賓

難其人乃於一郡九邑中特賓禮焉郡以爲榮

范珠 字嘉隆號介菴成化丙戌進士任浙江道御史

嘉靖初議大禮諸臣廷諫欲刑以錫蛇珠解衣裸體自糾
錫蛇伏諫曰陛下若納臣言則天下治不納臣言則天下
亂上怒欲加刑忽風雨暴至雷擊錫蛇獲免上嘉其直賜
聯云柏府霜操眞御史黃堂正直古諸侯又賜金瓜一對
稱爲鐵面御史歸里卒御賜祭加贈加贈二字
據通志補事見明史
祀鄉賢祠

黃輔政 字顯忠成化戊戌進士歷任太常博士少卿性
寬大行己端嚴歷典容臺屢荷殊錫居官儉約清議歸之
著有容臺議禮集

李韶字克諧成化戊戌進士歷工部郎中多所建白
吏部尙書王恕甚器之擢雲南參政撫勦夷酋有功嘗陳
邊防四事歷福建右布政江西左布政使司文章政事皆
有可觀成化甲辰適宸濠謀逆誘之不從遂歸留詩題廟
柏後宸濠事發查韶事迹見詩知無所染以名節完子汝
忠嘉靖戊子舉人孫常有文名辛卯舉人

題廟柏七律一首載舊志今不

錄

胡相字良翰成化癸卯舉人年二十始發憤讀書逾

五十乃登鄉試再舉不第遂厭舉業聞白沙陳獻章名欲

往講論因疾不果居同心山潛心力索逢陳松菴辨惑居
喪註家禮儀制又有五經四書解其所論述不擇細微必
求精核教人多方惓惓以擇交爲重平生負奇氣風岸孤
峭不能隨世軒輊因與俗多忤云

龔 嵩

字維岳成化甲辰進士初授評事歷貴州僉事

福建副使陞陝西行人太僕寺卿在貴州時夷酋伏祐持
千金求贖罪蜀府百戶許重本以金買戰功皆卻之不許
有誣採薪三十餘人爲盜者嵩力雪其寃得免性孝友律
已甚嚴服用儉約歸休杜門教子至老好學不倦所著有

東山小稿

周載 字子坤宏治庚戌進士歷兵部主事員外郎中陝西參政分守涼州撫夷平寇軍儲訓練調治均合機宜擢湖廣右布政性樸誠莊重致仕家居吟咏不輟祀鄉賢祠 晉中載五世孫號萬英因避亂遷貴州赤水隱居授徒爲當時藩憲所重屢薦不起後歸卒

陳輔 宏治庚戌進士歷刑部郎中剛介敢言以勘戚

晚事忤旨就謫後上知其直擢荆襄兵備道旋乞休歸德

望爲朝野所重

通志作宜賓人

李傳

宏治庚戌

原作己未與科第表抵牾但通志亦作己未科

進士任襄陽

府知府

原作太守

時流賊鄔本恕湖賊楊廣富等寇諸縣督兵

悉擒捕尋以外艱歸後陞巡海副使勦平海寇吏部奏天

下卓異第一轉貴州參政奉命撫勘安宣慰事傳以至誠

開導宣慰父子感服署布政年餘致政歸代者查羨金七

百餘送至家傳曰如遇歲饑可代完正項卻不受其清介

類如此

原按傳通志作璚縣人蓋以璚縣籍出身者

廣

東通志傳字希說

案太守牧令均漢官在明爲

知府知州知縣知縣與令其權位今昔不甚相懸州牧太守則明代督撫之比視知府知州權位懸隔方志宗史宜直書本職不得爲譬況之詞舊志對於知府或稱太守或稱守對於知州知縣或稱牧或稱令

或一傳之中忽稱知縣忽稱令欲概爲訂正則李傳外僅彭昂傳擢甯波府守易辨爲知府餘如劉晉康傳再領廣東康州守余敬恆傳官至甯州守則爲知府爲同通爲知州凝難懸斷檢通志經籍史集兩部始悉其爲康州府知府甯州知州文人積習好用古官名古地名而不知其最消名實今故不悉易原文而舉隅於此後攷明代廣東無康州府劉仍屬知州詳劉晉康傳

劉用中

字道行朝海子宏治丙辰進士性樸實平易少

時強記過人每上口終身成誦登第歷部郎中至按察司

僉事時劉瑾

原作逆瑾後同

責百官賄賂以用中無獻遂中傷之

因致仕家居與耕樵輩處人或欺侮未嘗較量雖貴家仍

寒素蔬食步行人咸以長者目之吏部侍郎柯孟春知用

中薦復職尋擢雲南副使歲饑乞歸卒年八十一祀鄉賢祠

棕用中子邑廩生讀書修行鄉族推重子三承誦進士官至廣東參政承諫廩生承許孝廉北直靈壽知縣承諫厚重以子之龍貴封通奉大夫邑中推重其行

鄧萬斛字汝容宏治丙辰進士勝明曾孫歷諸城甯鄉遷安三縣令徵大理寺評事以劉瑾羅織謫徽州府教授萬斛幼穎異善記誦博通經史歷縣饒有政聲拜大理精明公恕多所平反謫徽之日喜動顏色以師道自任爲文